

越縵堂日記

第三十七冊

荀學齋日記兩集下

光緒七年辛巳冬十一月十八日丙午晴寒 敦夫來偕詣文昌館

聽曲傷晚歸 王信甫來不值 得絨文書偕夏氏明通鑑此

書久不檢理今日始徧寫書籤甲乙及其帝紀先以首十冊偕之

十九日丁未晴 校魏書房伯玉宗吉士達景伯景光景遠傳及羅結

伊馱荀頴薛虎子等傳一卷房景光五經疑問十四篇雖頗淺近亦有

意理薛虎子徐州所上屯田減賦二疏甚切邊計北史概芟之非也 同

年徐亞陶來 得王信甫書約明日午飲 得絨文書還明通鑑

十冊再以後三十冊偕之 署中告送倉監督汪不願

二十日戊申晴有風 鬢頭 作書辭信甫飲 同年黃狀元思永

來同鄉新分兵部員外徐友蘭來

夜飯後教夫來借詣鐵香汝翼圍鑑賜

談至二更後歸寒月半街映鑑清絕

二十一日己酉晴得益吾祭酒書即復得跋文書還明通鑑

三十冊即復校魏書韋閔韋珍蘇湛杜銓裴駿裴修裴宣辛紹

先辛祥辛少雍辛穆辛子韻柳崇等傳一卷實瑾評彥李新傳一

卷盧玄盧度世盧淵盧義僖家傳一卷兼校北史讀盧氏家傳云房

崇吉母傳氏度世繼外祖母兄之子婦也兗州刺史中纂妻賈氏崇吉之姑

女也皆亡破軍途老病憔悴而度世推計中表致其恭北史作供竊意恭恤乃敬恤之謂恤

每覲見傳氏跪問起居隨時奉送衣被食物亦存賑當作賑此據北史魏書誤作賑賈氏供

其服膳青州既陷。諸崔墜落。多所收贖。及淵昶等。竝循父風。遠親疏屬。
叙為尊行。長者莫不畢拜。致敬。閨門之禮。為世所推。謙退簡約。不與世
競。父母亡後。同居共財。自祖至孫。家內百口。在洛時有饑年。無以自贍。然尊
卑怡穆。豐儉同之。親從昆弟。常旦省謁。諸父出坐別室。至暮乃入。朝府之
外。不妄交游。其相勸以禮如此。淵兄弟亡。及道將卒。後家風衰頓。子孫多
非法。帷薄混穢。為論者所鄙。往復其言。為之三歎。國無常治。家無恒理。君
子之澤。五世而斬。象賢之堂。構紹之甚難。不肖之箕裘。墜之甚易。如漢之寫
石梁之馬蕃。唐之花樹。皆不數傳而隕。房杜辛勤作門戶。一世而敗。柳氏家
法。乃有賊琛。是以達人哲士。懷之畢生。整暗室之衣冠。戒惰容於妻子。片
言無苟。小節必矜。凡以觀法。子孫尊迎善氣。觀盧氏之所為。尊行者疏親。

必拜遭亂者敬禮無愆長者家風誠可尚也以之式俗百世當原而伯
起必簡著不才登揚中書可謂聞善若驚聞惡若崩者矣小人不樂成
人之美所以為穢史也今日所校尚有可觀感者數事并列於後

寇治兄弟並孝友敦睦白首同居父亡雖久而猶於平生所處堂宇前雖帷
帳几杖以時節開堂列拜垂淚陳薦若宗廟然吉凶之事必先啟告遠出
行反亦如之寇讚傳

案此即禮下室之遺制也時由朝藏禁儲者通腹論亦同此意賈良法也
竊謂凡士夫家室宇稍寬宜放而行以陳設常御衣物及平生所受更代則易

房景伯性淳和涉獵經史諸弟宗之如事嚴親及弟姪誤此當是弟之
名北史亦誤亡疏
食終喪期不內御憂毀之容有如居重其次弟景先亡其幼弟景遠期年
哭臨亦不內寢鄉里為之語曰有義有禮房家兄弟及母亡景伯居喪不
食鹽菜因此遂為水病積年不愈景先沈啟方正事兄恭謹出告反面

晨昏參省。側立移時。兄亦危坐相敬如對賓客。兄曾寢疾。景先侍湯藥。衣冠不解。形容毀瘁。親友見者莫不哀之。房法華傳

裴修愛育孤姪。同於己子。及將異居。奴婢田宅悉推與之。裴駿傳

裴安祖少聰慧。年八九歲。就師講詩。至鹿鳴篇。語諸兄云。鹿雖禽獸。得食相呼。何況人也。自此之後。未曾獨食。同上

辛紹先父憂三年。口不甘味。頭不栉沐。髮遂落盡。故常若垂髫。早帽。孫

少雍少聰穎。尤為祖父紹先所愛。紹先性嗜羊肝。常呼少雍共食。及紹先卒。

少雍終身不食羊肝。少雍妻王氏有德義。與其從子懷仁兄弟同居。懷仁等

事之甚謹。閨門禮讓。人無比焉。士大夫以此稱美。辛紹先傳

居五事皆人倫之極則也。士大夫家當書此。類作屏風。非特教家子弟。亦可令

內外姻黨觀之 陳書玉約明日夜飲 是日復落一函浮生未盡口食
將窮

卹鈔

上諭前據劉坤一奏江甯三牌樓地方一案訊有革員胡金傳妄拏教供隨同問
官喝令用刑逼認情事當經降旨將胡金傳嚴行刑訊並將問官洪汝奎等
解任查辦茲據御史李郁華奏問官冤殺無辜督臣意存袒護等語究竟
胡金傳如何私與問官刑訊其妄拏教供洪汝奎等有無授意情弊著劉坤
一秉公研訊前奏所稱洪汝奎以案情重大稟請另派大員覆訊是否有案可
憑著確切查明於定案時據實覆奏毋稍徇隱自干咎戾

二十二日庚戌晨及午晴午後多霽嚴寒 是日欲作宋斗城升城役以

寓中書多不葡不成

閱王伯厚氏通鑑地理通釋

潘彌初來袁

爽跡來談至夜去

是日閱邸鈔前日給事中張道淵請定專祠年

限片奏有云近來如黎培敬為質長鄧泰諸傳謚楊昌濬為琦善奏請

建祠不惟是非顛倒功罪不分直是明知故為欺罔

君上若再漫無限

制將來數十年後必至妄殺無辜如已革提督成祿已革總兵李有恒

且有誇張功績捏詞為之奏請者其言可謂痛快

二十三日辛亥晴午後有風

寫單約孺初鐵香仙評書王敦夫及

張  王霞西後日飲聚寶堂

作書致鐵香

晡詣王益吾暢

談見其客葉姓所購林和清硯有和清小象在硯背又硯側題識三行

言殿直丁君所贈硯角有李天生藏識硯匣有潘稼堂題識然和清識

語甚凡近且自刻象其背似非高士風流也又有五雲隱處是三台一硯云是

東坡物端石甚溫潤面有三白點所謂三台也其物云皆得之吾鄉倪署正

堽署正為前任順天東路廳同知城

本名步洲曾稽人嘉慶己卯舉人

之子浮沈貲吏輕躁不學

而頗好古三十年来日棄回舊攤小肆間摩挲骨董出入販賣家甚實亦

藉此自潤頗能辨識真贋為鄰人所推一事能埒亦足流譽士夫矣倘晚

赴書玉之招筵仙敦夫介唐光甫伯馴諸君已早至夜飲至一更後散余

邀光甫敦夫諸君飲霞芬家招玉僊四更歸 得爽味見懷七言

絕句一首 霞芬酒局戲四十千賞其僕十千車錢十千客車三千

二十四日壬子晴 校魏書高允傳一卷李靈崔鑒兩家傳一卷高傳汲本

誤字最多宋本頗足譌正高允徵士頌有云祖根運會克光厥猷仰緣朝恩
俯因德友功雖後建祿實先受班同舊臣位並羣后以猷讀上聲與友受
后為韻 咏奕林絕句寫致之 是日冬暄頗美心亦甚閒欲出詣人談
無可詣而止 得奕林書即復 舊僕岑福來告其父喪給以錢六千

二十五日癸丑晴

校魏書尉元慕容白曜傳一卷白曜力為冤死本傳

載其被誅事甚略幸看太和中成海追理一表稍審其坐獄之由詞氣抑揚
文采甚壯魏代之佳疏也北史文之非是又校韓茂皮豹子皮喜傳 晚

詣聚賢堂仙坪橋初及王耀斌張

已先在鐵香叙平光甫繼至飲至

夜二更歸

得益吾書即復

同年黃慎之修撰為婦樊開弔送奠分四千陳

文鏡吏部為從父開弔送奠分二千付酒保賞四千客車錢三千車錢四千

邸鈔

上諭御史陳啟太奏大負軌法徇私請予罷斥一摺據稱本年秋間兵部出
有題銖郎中以鄧天符擬補吏部尚書萬青蔡以其壻李邦楨急於得
補授意司員妄傳鄧天符不合新章經兵部引案駁回遷延不覆迨兵部
續有缺出李邦楨有缺可補始援案照准等語吏部辦理此案何以前後
兩歧是否萬青蔡有背公徇私情弊著都察院堂官查明據實具奏

陳疏痛劾萬青蔡辜恩怙惡貪劣眾著近數月來錄要以鍾彥一案李鴻章以李秉衡一案皆歷情陳訴部
中雖奉令例文飾辭即過而司員之妄肆詆誣書吏之勒索賄賂皆係有徵又云視聖旨為具文等語務為兒戲

上諭前據涂宗瀛奏斬犯胡體安臨刑呼冤一案日久未據訊結茲據御史
陳啟太奏風聞承審各員有夤緣新任撫臣意在避重就輕串令該犯誣認
為從如有不承擬即監繫減口等語人命出入所關至重著李鶴年迅將

此案秉公訊結務成信獄毋稍瞻徇

大學士寶鑒奏病尚未痊再行請假並請將事務派員署理

詔賞假一月所管鑲藍旗滿洲都統著瑞聯署理

內閣侍讀學士胡義賢為順天府府丞

以記名總兵察標補雲南開化鎮總兵

劉玉成在廣東告病

前江西廣饒九南道文惠授江西吉安府知府

前任蔣總漕告病

前陝西鹽法鳳州道方鼎祿選甘肅平慶涇固道

前任鄭錫猷丁憂

二十六日甲寅晴比日稍溫

印結局送來是月公費銀十五兩

海運倉

送來奉米七石半止得八百三斤付車錢八千

校魏書封敕文呂羅

漢孔伯恭傳又趙逸胡方回胡史宋孫張湛傳讀胡史傳覺箕顓風流

去人不遠然其人宜入之隱逸雖賜散爵未嘗一日仕魏收以其與趙
逸等俱自它國來遂以同傳然史未嘗受姚氏及沮渠氏官也密雲巖宅
有此寫公泰石鮑邱政懷芳躅

師鈔

二十九日大高殿開壇祈雪親詣拈香仍命親王貝勒分禱時應諸宮廟
二十七日乙卯晨霽旋晴上午復霽下午收晴 校魏書宗欽段承根闕

駟劉昫趙柔索敵陰仲達等傳宗欽贈高允詩云味共思冲既易體復以
復卦之復讀去聲與茂秀宙為韵段承根贈李寶詩云禮交問鼎路盈

訪璽璽上即璽字璽本从土作璽說文入土部此詩讀作璽與緬踐掄為韵

皆可以徵古音劉昫

北史傳其字延明
避唐世祖諱

傳云李昌好尚文典書史穿落者親自補

治又云沮渠蒙遜令昭寧管注記築陸沈館於西苑躬往禮焉趙逸傳云

神慶三年三月上巳世祖幸白虎殿命百寮賦詩逸製詩序胡方回傳云為

赫連屈即夏世祖勅統萬城銘地祠碑諸文頗行於世皆可想見霸朝文事斐

然之美立國一隅必有與也趙柔傳云隴西王源賀采佛經幽旨作祇洹精舍

圖渴六卷柔為之注解亦足見禿髮家風文采照人為補治書文事蒙遜

築陸沈館事晉書載記及十六國春秋皆失采方回為統萬城銘事載記以

為其父義周所作魏太武上巳賦詩又晉書涼武昭王李玄盛傳亦載玄盛

居酒泉上巳日臨於曲水命羣寮賦詩而親為之序此兩事目今輯要俱

未及收 傳懋元未 得王鼎丞山西冀甯道任中書惠銀二十兩

比日頗惠款款

邱鈔

上錄烏拉喜崇阿等奏交查吏部一案應否回避聲明請旨一摺烏拉喜崇阿詳

身徐用儀均著准其回避烏拉喜崇阿以任吏部侍郎時曾同查稿許徐以與李邦棟同在軍機處行走故皆引避

署浙江提督董少春奏假期將滿請開缺養親 許之

二十八日丙辰晴 蘇煦如春 偶閱吾鄉陳士莊先生蔡同姓名譜李

姓兩冊采取極多而舛謬不可勝言即以北魏一朝論隴西之李冲李茂范陽之李

新頓止之李嶷李獎李構皆誤分為兩人而李崇不知北魏有二一李繼長頓止人有傳一

范陽人即新李肅不知東漢有二一桓帝時南郡太守見桓帝紀及面鑿傳李嵩不

知有東漢兩人一魏郡人為大司農見蘇不韋傳一下邳人為汝南太守見單超傳皆桓帝時人李恂不知有東漢之武威

太守安定人范李充不知有北魏之中散大夫字德廣隴西人見北史叙傳李平不知有南唐

書有傳

誅或之術尉卿

本姓馬名詢馬陸兩書皆有傳馬陸傳及陸傳俱作尉卿卿司農卿卿作戶部卿

甚知不知康初有涼王

李軌而以爲司竹園盜不知康芙蓉人鏡下反第之李固言而以爲李固同

名至於明永樂洪宣間有順天順義人李慶字德字由監生陸官左都御

史工部兵部尚書加太子少保征交趾戰沒而誤分爲兩人云一兵尚一刑尚賦

化間有順天香河人李太

此與光武同姓名謹依後漢書書鄭太鄭太例

字文通正統十三年進士陸官

翰林院侍講學士少詹事詹事平贈禮部左侍郎而亦誤分兩人云一詹事

一翰學以類益不可數然如晉有兩李矩

一山陽人有傳一江東人元之父見元傳

非齊有兩李構

鄉人華之子見李靈傳一頓丘人樊之子見孝平傳北齊書有傳俱名士

有兩李臨

一趙郡人封平棘身一唐高祖之裔祖後追尊高祖祖宣皇帝皆已統舉

無遺其複羅亦云勤矣

作書致益著祭酒還宋繫魏書五冊得獲 例

晚視教夫疾饋以雜贈一器

二十九日丁巳晴秋霽仍餘 作復王鼎丞書付其家丁 鄧鐵

香來 傅子尊來留共夜飯後去 讀南齊書高逸孝義傳余最

喜讀南北朝時兩流之傳以其際暴君接連亂臣代出天地唯刺非此則

人道幾乎絕也然諸史隱逸傳中亦鮮金節蕭齊世促完美尤難而諸

伯玉藏榮緒劉州康易宗測諸人絕意人寰晴然雲表藏劉兩子實兼孝

義榮緒母喪之後著遠寢論婦灑堂宇置庭設席相望拜為甘珍靈

預母亡之後在外祖念日生徒輟講閉門垂泣 此事不載州傳中見梁書孝義韓懷明傳 此二事可

以補禮經之未及厥永感之恒規正不獨庚子陳經著遵聖之盛典雲香

導諸想精梵之高蹤耳 夜款更甚二更後大風

三十日戊午晴間有風仍不甚寒 閱王益吾祭酒漢書補注司馬遷